



Inatsisartunut ilaasortaq Agathe Fontain, IA
Inatsisartut
/MAANI

§ 37 2013-194-mut aalisartut isertitaat pillugit apeqquteqaat

Inatsisartut suleriaasianni § 37, imm. 1 naapertorlugu aalisartut isertitaat pillugit arlalinnik apeqquteqarsimavutit. Apeqqutit uannut akisassanngorlugit innersuutigineqarsimapput.

08-10-2013
Suliap nr. 2013-090093
Upp. nr. 1352124

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Nunatsinni komunikkaarluni aalisartut isertitaat , ukioq manna qanoq nikingatigaat?
2. Aalisakkat assigiingistut isertitsissutaanerat qanoq nikingatigaa?
Saarullit qanoq isertitsissutaasimappat?
Assagiarsuit qanoq isertitsissutaatigisimappat?
Qalerallit qanoq isertitsissutaasimappat?
Rejet qanoq isertitsissutaasimappat?
3. Kommunit iluini nikinganeq tunisat nalinganit qanoq annertutigaa?
4. Ukiup sinneranut isertitaqarnissamut kommunini assigiingitsuni periarfissaq qanoq ippa?

Akissutit:

1-mut tunngasoq: Apeqqutinnut tunngatillugu paasissutissiissutigisinnaavara Aalisarnermut, Piniarnermut Nunalerinermullu Naalakkersuisoqarfik sinerissamut qanittumi qaleralinnik, saattuanik, saarullinnik kinguppannilluunniit tuneqqaarneranni akit nalingi pillugit arlalinnik paasissutissaateqarmat.

Tuneqqaarnerani akit nalingat tassaavoq aalisartup tunisinermini pisisumit akissarsiaa. Tassunga atatillugu matuma naqissusernissaa pingaarpoq, tassalu tuneqqaarnerani akit nalingat aalisarnerni ataasiakkaani imaaliillaannaq assersuunneqarsinnaanngimmata, tassami aningaasartuutit pillugit aaqjissuussineq eqqarsaatigalugu assigiinngiijaartorujussuummat. Assersuutigalugu kinguppanniarluni angallammit tunisat qaleralinnillu tunisat tuneqqaarneranni akiisa nalingi imminnut assersuunneqarsinnaanngillat.

Tuneqqaarneranili akit nalingi takussutissaapput sinerissap qanittuani assigiinngitsunik aalisarnerit qanoq naleqartiginerinik.

Aalisartut tunngaviusumik isertitaat Akileraartarnermut Aqutsisoqarfiup ukioq aningaasarsiorfiusoq tamaat nalunaarsuiffigisarpaa, taamaamat maannangaaq naatsorsorneqarsinnaanani.

2 pillugu:

Sinerissap qanittuani qaleralinnik, saattuanik, saarullinnik kinguppannullu tuneqqaarneranni akit nalingi imaapput:

Qalerallit	286.966 DKK
Saattuat	23.875 DKK
Saarullit	40.901 DKK
Kinguppaat	178.201 DKK
Katillugit	529.943 DKK

Qulaani tabelimi takuneqarsinnaasutut sinerissap qanittuani qaleralinnik, saattuanik, saarullinnik kinguppannullu aalisarneq maannamut 2013-imi tuneqqaarnerani akiisa nalingi tassaapput 529,9 mio. DKK. Taakku 529,9 mio. DKK nalingi tassaapput aalisartut imaluunniit ingerlatseqatigiiffiit ukioq manna tunisinerminni pisisunit akissarsiaat.

3 pillugu:

Qaasuitsup kommunia	305.967 DKK
Qeqqata Kommunia	47.425 DKK
Kommuneqarfik Sermersooq	165.707 DKK
Kommune Kujalleq	10.844 DKK
Katillugit	529.943 DKK

Tuneqqaarnerani akiisa nalingi kommunenut sisamanut agguataaraanni takuneqarsinnaavoq tuneqqaarneranni akinut akiliisarnerit annersaat Qaasuitsup Kommuniani tunisinermi akilerneqartartut. Taamatut inissisimasoqarneranut peqqutaasoq tassaavoq qaleralinnik aalisarnerup annersaa Qaasuitsup Kommuniani pisarmat.

4 pillugu:

Apeqqu sorpassuarnut tunngavoq taamaammallu imaaliallaannaq akineqarsinnaanani. Aalisartut piniartullu ukiup qanoq ilinera naapertorlugu sulinertik ingerlattarpaat, ukiorpassuarnilu taamaassimallutik. Siornatigut qaammammut tunisinerit annertussusaasa nalunaarsornerinit tamakku ilaatigut takuneqarsinnaapput. Aappaatigut maanna piffissaavoq allanit aalisarnerunngitsumit isertitaqarnissaq. Assersuutigalugu eqqaaneqarsinnaasut tassaapput qilalukkanik qaqortanit qernertanilluunniit pisanit aamma timmissanit pisanit tunisinerit.

Inussiarnersumik inuulluaqqusillunga

Karl Lyberth